

გამომცემი: ა(ა)იპ
„ქართული მედია ჯგუფი“,
კატო მიქელაძის
გაზეთის მიხედვით

ს მ ა ს

21 მარტი, 2023 წელი.
გაზეთი ვრცელდება
უფასოდ


ქართველი ქალისა

№1 გაზეთი გამოდის თვეში ერთხელ

საუკუნის წინადადები გაზეთი, „ხმა ქართველი ქალისა“ „ქართულმა მედია ჯგუფმა“ აღადგინა

ყოველკვირეული საპოლიტიკო, სამეცნიერო და ლიტერატურული გაზეთი. „ხმა ქართველი ქალისა“ 1917-1918 წლებში, ქუთაისში გამოდიოდა. გაზეთის რედაქტორი იყო ქართველი საზოგადო მოღვაწე, ფემინისტი და პუბლიცისტი კატო (ეკატერინე) მიქელაძე (1878-1942). გაზეთს გამოსცემდა ქუთაისის ქალთა კლუბი. 1918 წლიდან კი „ინტერპარტიული ქალთა ლიგა“. სულ გამოიცა გაზეთის 50 ნომერი. პუბლიკაციათა ავტორები იყვნენ: კ. მიქელაძე, ნ. ნადირაძე, ე. გაბაშვილი, ს. მგელაძე, დ. ახვლედიანი, დ. თომაშვილი ოლ. ბუაჩიძე და სხვ. გაზეთი დიდი აღტაცებით მიესალმა 1917 წლის რუსეთის თებერვლის რევოლუციას და იმედოვნებდა, რომ დადგა თავისუფლებისა და მომავალი ქვეყნის შენების უამრბი. იგი მხარს უჭერდა საქართველოს ტერიტორიულ ავტონომიას, რაც, მისი აზრით, აუცილებელი იყო ქვეყნის აღსადგენად და დემოკრატიული მმართველობის დასამყარებლად. კატო მიქელაძე თანაუგრძნობდა სოციალისტ-რევოლუციონერ

სათვის, სამოქალაქო და სისხლის სამართლის კანონმდებლობაში სქესობრივი პრივილეგიის გაუქმებას, ორივე სქესის თანაბარი განათლების უფლებას და სხვ. ყველა ნომერს გასდევს ქალთა უფლებების გამომხატველი და მათი გაერთიანების იდეის შემცველი მონოდებები: „სრული პოლიტიკური და მოქალაქეობრივი უფლება ქალებს“, „გაუმარჯოს ქალთა სოლიდარობას“, „ქალებო მთელი ქვეყნისა, შეერთდით“, დევიზი – „თანასწორობა სქესთა წინაშე კანონისა!“ საგაზეთო პუბლიკაციები ასახავდა და ეხმებოდა საქართველოში მიმდინარე თუ საერთაშორისო საზოგადოებრივ-პოლიტიკურ მოვლენებს. უმთავრესად კი ფემინისტური თვალთახედვით განიხილავდა მათ. ეს მოვლენებია: პირველ მსოფლიო ომთან დაკავშირებული საერთაშორისო ამბები, კვავკასიისა და საქართველოს რეგიონული მოვლენები. გაზეთი ერთგვარ განმანათლებლად ევლინება მკითხველს და პერმანენტულ დი-



ალოგს მართავს მასთან ისეთ მნიშვნელოვან და აქტუალურ თემებზე, როგორებიცაა: ტერიტორიული ავტონომიის საკითხი, ეროვნული დამოუკიდებლობის მნიშვნელობა ქვეყნის არსებობისათვის, სიტყვის თავისუფლება, ქართული ენის როლი ქვეყნის განვითარებისათვის. შემეცნებით და ინფორმაციულ მიზნებს ისახავს ცალკეულ პუბლიკაციებში საუბარი დემოკრატიული რესპუბლიკის, კონსტიტუციის, განათლების მნიშვნელობის შესახებ, სოციალური თანასწორობის იდეები და სხვ.

გაზეთს ყურადღების მიღმა არ რჩება არც ერთი მნიშვნელოვანი მოვლენა, რომლებსაც ოპერატიულად აწვდის მკითხველს. პუბლიცისტთა განსჯის არეალში ექცევა როგორც საქართველოში, ისე რუსეთსა და ევროპაში მიმდინარე ამბები. გაზეთი დიდი სიხარულით მიესალმა 1918 წლის 26 მაისს საქართველოს დამოუკიდებლობის გამოცხადებას და აღტაცების გამომხატველი არაერთი პუბლიკაცია მიუძღვნა მას.

რებს, შესაბამისად, გაზეთი „ხმა ქართველი ქალისა“ მემარცხენე იდეების მიმდევარი იყო, თუმცა, ზოგადად, ქართული პარტიების პოლიტიკური გაუღენების მიღმა რჩებოდა და სრულ სარედაქციო თავისუფლებას ინარჩუნებდა. გაზეთის პირველივე ნომერში, 1917 წლის 5 აპრილის სარედაქციო სტატიაში, აღნიშნულია, რომ გაზეთი ყურადღებით მიადევნებს თვალს პარტიათა ქმედებას, მათ ნაკლსა და ღირსებას. ამავდროულად შეეცდება „მათ შორის ატეხილს უთანხმოებაში, ერთი რომელი შემეარტებული ძაფის გამონახვას და გაბმას“. ამგვარად, გაზეთი კრიტიკული იყო საქართველოში არსებული პარტიების მიმართ, ვინაიდან, მისი აზრით, ვერც ერთი პარტიული პროგრამა ვერ ასახავდა და იტევდა იმ საზოგადოებრივ და მოქალაქეობრივ ინტერესებს, რომლებსაც ესწრაფოდა გამოცემა. „ხმა ქართველი ქალისა“ უმთავრეს მიზნად აცხადებდა „დაქსაქსულ ქალთა ძალის“ გაერთიანებას ქვეყნის საკეთილდღეოდ და ქალთა უფლებების დაცვას, „ბრძოლას ქალის „ადამიანური პიროვნების აღდგენისათვის და სამშობლოს უფლებებისათვის“.



საუკუნეზე მეტი ხნის შემდეგ, გამოცემა „ქართულმა მედია ჯგუფმა“ აღადგინა. ორგანიზაცია გორში 2014 წელს ყურანლისტებმა დააფუძნეს. გაზეთის აღდგენის იდეა კი ერთ-ერთ ტრენინგზე გაჩნდა, რომლის განხორციელებაც „ქალთა ფონდის“ მხარდაჭერით გახდა შესაძლებელი. თავდაპირველად დაიბეჭდებოდა 6 ნომერი 100 ცალიანი ტირაჟით, რომელიც შიდა ქართლის რეგიონში ქალთა უფლებრივ მდგომარეობას ასახავს. გაზეთი თვეში ერთხელ გამოიცემა და გავრცელდება უფასოდ. მისი არქივი დაცული იქნება პარლამენტის ბიბლიოთეკაში. მისი ელექტრონული ვერსია კი „ქართული მედია ჯგუფის“ ვებ-გვერდზე, Feminism.ge-ზე განთავსდება. ორგანიზაცია ადგილობრივ და ცენტრში მოქმედ უფლებადამცველებთან თანამშრომლობს, რომელთა საქმიანობასაც პარტნიორობის ფარგლებში, პერიოდულად გაგაცნობთ. ყველა ნომერში კატო მიქელაძის დროინდელი გამოცემიდან ამონარიდები დაიბეჭდება, რაც კიდევ ერთხელ ადასტურებს ქალთა პოლიტიკურ-საზოგადოებრივი ჩართულობის კუთხით, მათ ისტორიულ მოღვაწეობას. „ქართული მედია ჯგუფის“ მიერ აღდგენილ 8 გვერდიან გაზეთში, კატო მიქელაძის გამოცემის იერ-სახეა შენარჩუნებული, რაც სიძველის ეფექტს მოახდენს მკითხველზე. მთავარი მიზანი კი არის ის, რომ საქართველოში, თავისუფლებისთვის მეტძობი ქალების შესახებ ინფორმაცია თაობიდან თაობას გადაეცეს და მათი ჩართულობით მიმდინარე მოვლენები ისტორიამ შემოინახოს.

„ქართული მედია ჯგუფი“



რა კავშირი აქვს საბჭოთა პერიოდის 8 მარტს დღევანდელ ობსტაკლს?

გადაწყვეტილება გადავდგამთ ისეთი ნაბიჯი, რაც ერთი მხრივ განვითარების გზებს გადაკეტავდა, მეორე მხრივ კრიტიკული აზრის არსებობას დაასრულებდა. ეს ორივე კი დამახასიათებელია დიქტატორული რეჟიმისთვის, რომლისთვისაც სიცრუესა და დარღვევებზე პასუხის მოთხოვნას ვეღარავინ გაბედავს.

რაც შეეხება დღევანდელ ობსტაკლს, საუბარია ე.წ. "უცხოური გავლენების შესახებ კანონპროექტზე", რომელიც მისმა ავტორებმა საზოგადოების რამდენიმე დღიანი პროტესტის შედეგად უკან გაიწვიეს. აქციის მონაწილეები თვლიდნენ, რომ კანონის ამოქმედების შემთხვევაში საქართველო სულ უფრო მეტად დაუბრუნდებოდა წარსულს, სადაც სხვა ბევრ მანიკერ მხარესთან ერთად, ქალებს ამჟამად არსებული შესაძლებლობებით სარგებლობა შეუზღუდებოდათ. რადგან,

მოჩენილი ტრანსპარენტები ქალები, ტრანსპორტის, სოფლის მეურნეობის სფეროში დაწინაურებული ქალები, თუმცა, 8 მარტის სტატიების მთავარი თემა არა ქალთა უფლებები, არამედ კლასობრივი ბრძოლა და რევოლუცია იყო.

რა სდევს დღეს?

საბედნიეროდ მრავალი უფლებადამცველი ჯგუფისა თუ ქალთა ორგანიზაციის ძალისხმევით, საქართველოში ამ თარიღმა რეალური მნიშვნელობა აღიღწია და ბოლო 13 წლის განმავლობაში ყოველწლიურად, სხვადასხვა ღონისძიებით აღინიშნება, მათ შორის საუბარია ქალთა საჭიროებებზე, გენდერული დისკრიმინაციისა და სექსუალური შევიწროების აღმოფხვრაზე, შინ შრომის შემსუბუქებასა და ძალადობის მსხვერპლი ქალების დაცვაზე და ა.შ.

2023 წლის 8 მარტს, ქალებს და უფლებადამცველებს ამ ყველაფრისთვის ბრძოლა ერთდროულად მოუწიათ. ქალთა მარშს საქართველოს სხვადასხვა ქალაქიდან სკვერში შეუერთდნენ, გორელები თეატრის სკვერში შევიკრიბეთ და მმართველი გუნდის მიერ მხარდაჭერილი ე.წ. კანონპროექტი გავაპროტესტეთ, რომელიც თითქოს გამჭვირვალობას ეხებოდა, სინამდვილეში, თანასწორი, თავისუფალი და განვითარებული თაობის განვითარების კენ იყო მიმართული.

ეს გულისხმობდა პირად სივრცეში შეჭრას და ტოტალური კონტროლით მოქალაქეებისთვის საბაზისო უფლებებისა და მხარდაჭერაზე წვდომის შეზღუდვას.

მმართველი გუნდის აღნიშნულ მცდელობას ვენიანდემდეგობით საზოგადოებრივი ჯგუფები, მათ შორის ქალთა გაერთიანებები, რომლებსაც თანასწორ, უსაფრთხო და თავისუფალი ქვეყანაში ცხოვრება გვინდა. 2023 წლის 8 მარტის აქციაზე ჩემს უმცროს შვილთან, ანასთან ერთად ვიყავი. ის ახლა 3 წლისაა, რომ გაიზრდება მინდა დოკუმენტურ მასალებში საკუთარი თავიც ნახოს და შემდეგ გაიზაროს როგორ ვიცავდით ერთად ადამიანის, მათ შორის გოგონების, ქალების, უმცირესობების და სხვა ჯგუფების თავისუფლებას. მჯერა, რომ წლების შემდეგ ანას თაობა, ევროპული ოჯახის წევრ ქვეყანაში იცხოვრებს და იმ დროინდელ 8 მარტს უკვე უფლებრივი მდგომარეობის კუთხით, გაუმჯობესებულ გარემოში შეხვდება.

ნიმო ჩიხრიური

„ქართული მედა ჯგუფის“ დამფუძნებელი/ხელმძღვანელი

ინფორმაციის და მხარდაჭერის გარეშე დარჩებიან:

- ძალადობაგამოვლილი ქალები,
- დასაქმებული ქალები,
- მიგრანტი ქალები,
- ეთნიკური უმცირესობის წარმომადგენელი ქალები,
- მარტოხელა დედები
- რეგიონებში მცხოვრები ქალები
- ომით დაზარალებული ქალები
- ხანდაზმული ქალები
- შშმ ბავშვების მშობლები

აღნიშნული კანონპროექტი მიმართული იყო სწორედ იმ ორგანიზაციებისა და ჯგუფების ლიკვიდაციისკენ, რომლებმაც 2010 წლიდან 8 მარტს კომუნისტური დღესასწაულის სტატუსი ჩამოხსნეს და მას რეალური, ფემინისტური დტვირთვა დაუბრუნეს.

ისტორიული წყაროების ერთი ნაწილის თანახმად, ეს დღესასწაული უკავშირდება 1857 წლის 8 მარტის ნიუ იორკის საფეიქრო მრეწველობის მუშა ქალების გაფიცვას. ხოლო მეორე-კომუნისტურმა 1910 წელს გამართულ ქალთა კონფერენციასა და გერმანელი სოციალისტის, კლარა ცეტკინის სახელს. ამ ორიდან კი არცერთს არაფერი აქვს საერთო იმ კომუნისტურ დღესასწაულთან, რომელიც ხელს უშლიდა ამ თარიღის ქალთა უფლებებთან დაკავშირებას.

მაგალითად, 1935 წლიდან აქტიურად იწვევებოდა გამოცემებში, რომ ქალთა თანასწორობა საბჭოთა კავშირში მიღწეულია. ამის საილუსტრაციოდ ნაჩვენებია იყო გა-

დღევანდელი გარემო და არსებული გამოწვევები, ძალიან ჰგავს 1920 წლის შემდეგ საბჭოთა კავშირის პერიოდს. რა დროსაც, მოსახლეობის ინფორმირება დამახინჯებული და გამოგონილი ამბებით ხდებოდა. დიდი ხნის განმავლობაში 8 მარტი კომუნისტური პარტიის მიერ დაარსებულ დღესასწაულად მიიჩნეოდა, რომელიც დატვირთული იყო საბჭოთა პერიოდის ქალთა გააქტიურების თემით სხვადასხვა სფეროში. იმ დროინდელ გამოცემებში, რა დროსაც ყველა ნაბიჯი ცენზურას გადიოდა, იწერებოდა 8 მარტისადმი მიძღვნილი სტატიები ქალთა მიღწევების შესახებ. სარეპარტო გეგმებიც რამდენიმე თვით ადრე მზადდებოდა, იმ მიზნით, რომ ამ დღის ზეიმი ალნიშვნა სწორედ ქალთა თავისუფლებისა და თანასწორობის მაჩვენებელი უნდა ყოფილიყო. საქართველოს თითქმის ყველა ქალაქში იმართებოდა საჩვენებელი გამოსვლები, სიტყვით გამოდიოდნენ "აზრთა ლიდერები", რომლებიც აჯამებდნენ წლიური გეგმის შესრულების ხარისხს; საუბრობდნენ, თუ რამდენი ქალი დასაქმდა, რამდენი ბავშვი გაიხსნა, რა წარმატებებს მიაღწიეს ქალებმა საქმიანობის სფეროში და ა.შ. შესაბამისად, 8 მარტს ქალები ზეიმობდნენ ჩაგვრისგან გათავისუფლებასა და სრულყოფილებიან მოქალაქეობას, ისე, რომ არანაირი სტატისტიკა თუ დამადასტურებელი ფაქტი ნანახი არავის ჰქონდა.

დღესდღეობით, თანამედროვე ტექნოლოგიების არსებობა, მოქალაქეებს ინფორ-

მაციის გადამონმების და ფაქტების მოძიების შესაძლებლობას აძლევს, თუმცა ადგილობრივ თუ ცენტრალურ დონეზე მსგავსი თემებით მანიპულირებას ისევ ვხვდებით. სინამდვილეში კი სისტემური პრობლემებიდან გამომდინარე, საქართველოში ფემინიზმის, ძალადობის მსხვერპლი და სხვადასხვა კუთხით დაზარალებული ქალების რიცხვი ყოველწლიურად იზრდება. ამ ფონზე ქალთა უფლებების მდგომარეობის გაუმჯობესებას, მათი ჩართულობის გაზრდას, ცნობიერების ამაღლებას და დასაქმების ხელშეწყობას უფრო მეტად არასამთავრობო ორგანიზაციები ცდილობენ. შედეგად, ქალებმა ისწავლეს საკუთარი უფლებების დაცვა, საჭიროებების ადვოკატირება და პრობლემების მოგვარების შესაძლებლობები. სამოქალაქო საზოგადოების აქტიური მუშაობის შედეგად, დღის წესრიგში დადგა კვოტირების სისტემა და ქალები უფრო მეტი რაოდენობით ჩაერთნენ პოლიტიკაში, ვიდრე იყვნენ მანამდე. ქალებმა სწორედ დონორი ორგანიზაციების მხარდაჭერით შეძლეს ბიზნესის წამოწყება, გახდნენ წარმატებული მენარმეები და ფერმერები, მათი პროდუქტი გაიყიდეს, როგორც ადგილობრივ, ისე საერთაშორისო დონეზე და აღმოაჩინეს საკუთარი თავი ახალი შესაძლებლობებით და უნარებით. მაგრამ...

საბჭოთა პერიოდის და პროპაგანდის გავლენებში მოქცეული პოლიტიკოსებისთვის ქალების/დედების და ახალგაზრდების განვითარება მიუღებელი აღმოჩნდა. ამიტომ



შიდა ქართლში შექმენით „ფემინისტური მოძრაობა“, სადაც 100-მდე ქალი გაერთიანდა

„ქართული მედია ჯგუფი 2014 წლის 17 ოქტომბერს დააფუძნეთ. ორგანიზაცია 7 წევრისგან შედგება და აქედან, უმრავლესობა ქალები ვართ. შესაბამისად წესდების შედგენის პროცესშივე შევთანხმდით, რომ ქალთა გაძლიერება ჩვენი ერთ-ერთი მთავარი მიზანი იქნებოდა. პირველივე მხარდაჭერა, რომელიც იმავე წელს მოვიპოვეთ, სწორედ საოკუპაციო ხაზთან მცხოვრებ ქალებს ეხებოდა. რუსეთ-საქართველოს ომი 8 წლის დასრულებული იყო და გადავწყვიტეთ კონფლიქტის ზონის სოფლებში ჩვენი კოლეგები სხვა რეგიონებიდან ჩამოგვეყვანა და გმირ ქალებთან პირადად შეგვეხვედრებინა. ჩვენი მიზანი იყო ამ ქალების ისტორია უფრო მეტს სცოდნოდა და მათ შესახებ უფრო მეტ მედიასაშუალებას მოემზადებინა სხვადასხვა მასალები. ჩავედით სოფელ დიცში, სადაც 85 წლის ვენერა ედიშერაშვილი დაგვხვდა და რომელმაც საომარი მოქმედებების დროსაც არ დატოვა საცხოვრებელი სახლი. ახლა მასთან ახლოს საოკუპაციო ძალებმა ტერიტორია დაიკავეს და წლებია მოხუცს ასეთ ვითარებაში უწევს ცხოვრება.

საქართველოს ჟურნალისტებს გაეცანით ერგენტში მცხოვრები მაგული ოქროპირიძე, რომელმაც ზუსტად 2008 წლის 7 აგვისტოს იმშობიარა და ახალშობილთან ერთად აფეთქების დროს სამშობიაროს ფანჯრიდან გადახტა. დღეს ის, თავის ქეთის ომის შვილს ეძახის და ამბობს რომ მისი დაბადებით ბავშვმა ბოროტება და სიკვდილი დაამარცხა.

ამავე სოფელში ცხოვრობს ლია ჩლაჩიძე, რომელმაც სხვა რეგიონებიდან ჩასულ ჟურნალისტებს ომის კვალი საკუთარ ეზოში აჩვენა. ის ომის დროს დამწვარ ნივთებს ამ დრომდე ინახავს და საკუთარი სახლის სარდაფში ომის მუზეუმად ქცეულ სივრცეს არაერთ ვიზიტორს ათვალთვლებინებს.

ეს იმ ქალების არასრული ჩამონათვალია, რომელთა შესახებ „ქართული მედია ჯგუფი“ ამ დრომდე აქტიურად მუშაობს. სხვადასხვა პროექტის ფარგლებში საოკუპაციო ხაზთან მცხოვრებ ქალებს აქტიურობაში, საჭიროებების ადვოკატირებასა და საცხოვრებელი პირობების გაუმჯობესებაში ვეხმარებით.

2021 წელს, შიდა ქართლში ფემინისტური მოძრაობა დააფუძნეთ, სადაც თა-



ვდაპირველად 20 ქალი გაწევრიანდა, 2 წელში კი ეს რიცხვი 100-მდე გაიზარდა. ამ პროცესში ბოლო წლებში აქტიურად გვიჭერს მხარს შვედური ორგანიზაცია „სა-

მოქალაქო უფლებების დამცველები„ (Civil Rights Defenders).

ქალებს სურთ იცხოვრონ ისე, რომ საკუთარ სურვილებს, საჭიროებებს, თუ შესაძლებლობებს თავადვე განსაზღვრავდნენ. არაერთი მათი წერილი გამოვაქვეყნეთ ჩვენი ორგანიზაციის საიტზე Feminism.ge, ქალები თავადვე გვიგზავნიან წერილებს და უხარიათ რომ ამ გზით მათ ხმას ვინმე გაიგებს. სამწუხაროდ მათ შორის ძალადობის მსხვერპლებიც არიან. მნიშვნელოვანია, რომ ქალები სოფლებშიც კი აღარ ერიდებიან ხალხის მოსაზრებებს და საკუთარი უფლებების დარღვევაზე ხმამაღლა საუბრობენ. ამ პროცესში დიდი როლი საომოქალაქო სექტორს და კონკრეტულად ქალთა უფლებების დამცველებს მიუძღვით. რამდენი ქალი გადაურჩებოდა ძალადობას, მკვლელობას და სხვა ფატალურ შემთხვევებს უფრო ადრე რომ დაწყებულიყო ქვეყანაში ამ ყველაფერზე მუშაობა.

ხშირად როდესაც სოფლებში სხვადასხვა აქტივობის განსახორციელებლად ჩავდივართ „ბირჟაზე“ მყოფი ადამიანები მოგვაცხებენ ხოლმე: „რატომ კაცების უფლებებს არ იცავთ?“, პასუხსაც მყისიერად ისმენენ: ჩვენ ყველას უფლებებს დავიცავთ, ვინც რაიმე ფორმით ძალადობის მსხვერპლია, ამ შემთხვევაში კი სტატისტიკური მონაცემები ქალთა მხარდაჭერაზე მიგვიითებენ.

ლელა ლოზანიძე
 „ქართული მედია ჯგუფის“
 დამფუძნებელი



„დევნილთა დასახლებებში გამორჩეულად ქლიერი ქალები ცხოვრობენ“

ბოლო თვეების განმავლობაში სხვადასხვა მასალის მოსამზადებლად აქტიურად ვსტუმრობ დევნილთა დასახლებებს. მოგესვენებათ, 2008 წლის აგვისტოს ომის შემდეგ, 30 000 ადამიანი დევნილად იქცა, მათი დიდი ნაწილი კი გორის სოფლებში დასახლეს. ამ დრომდე ადგილნაცვალ პირების საჭიროებები თითქმის არ შეცვლილა, თუმცა ქალები კიდევ უფრო ემტი პრობლემის წინაშე აღმოჩნდნენ. სოფელ სკრაში მნ ოჯახი ცხოვრობს. ოჯახის რჩენის მთელი ტვირთი ქალებზეა გადასული. მათი თქმით, კაცებზე გაცილებით მეტს შრომობენ, თუმცა ანაზღაურება ქალებს მათთან შედარებით დაბალი აქვთ.

„სამსახურები არ არის ქალისთვის ისეთი, სადაც კაცის მსგავსად ექნება ანაზღაურება, მამაკაცებს შედარებით მეტს უხდიან, თუნდაც იგივე სამუშაოში, რაზეც ქალი მუ-

შაობს. ეს კი ვერ ხდის ქალს ეკონომიურად უფრო ძლიერს და დამოუკიდებელს“.

სოფელ ხეითიდან, დევნილი სონია ჩერქეზიშვილი ამბობს, რომ დღემდე დიდ პრობლემად რჩება ქალების დასაქმება. ის 14 წელია გორის მუნიციპალიტეტის სოფელ სკრის დევნილთა დასახლებაში ცხოვრობს, რომელიც მუნიციპალური ცენტრიდან დაშორებულია და სამსახურის ძებნა უჭირს.

„45 ლარი გვაქვს დევნილობის, ამით როგორ უნდა გავიტანოთ თავი, უმუშევრობა ჩვენი დევნილების მთავრი პრობლემაა. მე ურნობა, რომელიც აქ, სკრის დასახლებაში მცხოვრებ ქალებს გვაქვს, თავის სარჩენად საკმარისი არ არის. რესტორანში ვმუშაობ, ჭურჭლის მრეცხავად, იმიტომ, რომ მიჭირს, იძულებული ვარ ვიმუშაო, თუნდაც მრეცხავად, ოჯახს, რომ სჭირდება, თუნდაც დაბალ



ანაზღაურებაზე, თუნდაც იმიტომ, რომ სახლში არ დაჯდები, არ „დაინიხლო“, მდგომარეობა, რომ შეიმსუბუქო, გახვიდე გარეთ. სამსახური ჩვენი დასახლებიდან ძალიან შორს არის, სალამოს სახლში ტაქსით მიწვევს დაბრუნება, რაც დიდ ხარჯებთან არის დაკავშირებული. იგივე პრობლემას აწყდებიან სხვა ქალებიც. ყველგან ის გვესმის, რომ ქალი და კაცი თანაბარი შესაძლებლობის არის, მაგრამ არ ვფიქრობ ასე, იცით რატომ? ქალს არ აქვს შესაძლებლობა, ჩვენი დასახლების მაგალითზე გეტყვი, გავიდეს გარეთ და იმუშაოს, იყოს დამოუკიდებელი ფინანსურად, ფინანსური დამოუკიდებლობა კი აძლიერებს ადამიანს, მათ შორის ქალებს“ - ამბობს, ის.

მათი თქმით, სამსახურები არ არის ქალისთვის ისეთი, სადაც კაცის მსგავსი ხელფასი ექნება. ერთი და იმავე სამუშაოს შესრულებისას მამაკაცებს მეტს უხდიან, ეს კი ვერ ხდის ქალს ეკონომიურად ძლიერს და დამოუკიდებელს. ქალი გარეთ, რომ გადის უნდა ლირდეს, სათამაშოდ ხომ არ გავა და მოცდება მთელ დღეს?! ქალებს ორმაგი დატვირთვა აქვთ, იყვნენ დიასახლისები, აკე-

თონ სახლის საქმე და აუცილებელია ჰქონდეთ სამსახური.

„სტერეოტიპები ცოტა დაინგრა, რომ ქალი უნდა იჯდეს სახლში, ესმით მამაკაცებსაც, რომ ეს აუცილებელია, მაგრამ ისეთი ანაზღაურება ქალებისთვის რომ არ გვიღირს“ - ამბობენ სკრის დევნილთა დასახლებაში მცხოვრებლები.

სკრასთან ერთად გენდერულ ბალანსსა და ქვეყნის დემოკრატიულ განვითარებაში ქალის როლზე „ქართული მედია ჯგუფი“ ტრენინგებს, სხვა დევნილთა დასახლებებშიც ატარებს. პროექტის მონაწილეებმა უკვე იციან გრანტების მოძიებისა და ადვოკატირების ეტაპები. საომარ მოქმედებებს გამოქცეული და საკუთარ ქვეყანაში დევნილად ქცეული ქალები, ცხოვრებისეულ სირთულეებს არ უშინდებიან და ხვალინდელი დღის გათენებასაც მომავლის იმედით და მხნედ ხედებიან.

შორანა ბიძიაშვილი
„ქართული მედია ჯგუფის“
ჟურნალისტი

500-მდე ქალი საოკუპაციო რეჟიმისგან ქალადობის მსხვერპლია – როგორ ვზრუნავთ მათზე?

სულ ახლახანს საქართველოში ქალთა საერთაშორისო დღე აღვნიშნეთ. გავავრცელეთ პოსტერები, მოვამზადეთ სტატიები, გადავიღეთ ფილმები და წა-

რმოვაჩინეთ, ქალები, რომლებსაც საზოგადოება ნამდვილად უნდა იცნობდეს, თუმცა გადის წლები და ამ დღესაც კი რატომღაც ჩრდილში ექცევიან ქალები,

რომლებიც სოფლად, განსაკუთრებით კი ადმინისტრაციულ გამყოფ ხაზთან, სიციცხლის რისკის ფასად ცხოვრობენ. საუბარია იმ ქალებზე, რომლებიც საოკუპაციო რეჟიმისგან ქალადობის მსხვერპლები არიან და ცხინვალის ან სოხუმის ე.წ. საპატიმროში ხვდებიან.

ნანა ვანიშვილი 2013 წელს, მავთულხლართების მიღმა დარჩენილი მშობლების მონახულებისას, მეუღლესთან ერთად დააკავეს და ოკუპირებულ ტერიტორიაზე არსებულ საპატიმროში გადაიყვანეს. ნანა ამბობს, რომ სახლი, სადაც ბავშვობა გაატარა, დღეს მისთვის გადალობილია და ახლა უკვე ქვრივ დედასთან თავისუფლად ვეღარ გადაადგილდება. იხსენებს, რომ დაკავებისას ფსიქოლოგიური სტრესი მიიღო და მომხდარი დღემდე ვერ დაივიწყა. ასეთ ვითარებაში მყოფი ქალი რაიმე განსაკუთრებული სტატუსით არ სარგებლობს, ამიტომ მავთულხლართოლების მიღმა მცხოვრები მარტოხელა დედის დახმარებას ბოლო წლებში ვეღარ ახერხებს.

განსაკუთრებულად მძიმე ვითარებაში მოუწია ყოფნა ოკუპირებული ტერიტორიის საპატიმროში **მაია ოთინაშვილსაც**, ის საცხოვრებელი სახლის სიახლოვეს 2018 წელს დააკავეს და ფიზიკურადაც გაუსწორდნენ. მაია 10 დღიანი ტყვეობის შემდეგ გამოუშვეს, თუმცა რეალობაში დასაბრუნებლად მთელი



რიგი ეტაპები დასჭირდა. შიშის გამო ის იძულებული გახდა ჯერ საკუთარი სოფელი მიეტოვებინა და ქალაქში დასახლებულიყო. სოფლის მეურნეობაში ჩართულმა ქალმა უჩვეულო გარემოში

გაგრძელება მე-5 გვ.-ზე

„ქალებმა თავად უნდა მოძებნონ ქალა საკუთარ თავში, რომ ჩაბვრისას არ გაჩუმდნენ“

ჩვენი ორგანიზაცია არსებობს, უკვე 12 წელია. ჩვენ ვართ "ფონდი ტასოს" დაფუძნებული. 2009 წელს ამ ფონდმა კარალეთის თემში განახორციელა პროექტი, ძალადობასთან საბრძოლველად და სათემო განვითარებისთვის. ამ პროექტის ფარგლებში საინიციატივო ჯგუფმა გავიარეთ გარკვეული მომზადება, ქალთა უფლებებისა და მართვის კუთხით, სწორედ მაშინ გადავწყვიტეთ დაგვეფუძნებინა ადგილობრივი ორგანიზაცია.

ძირითადად ვმუშაობდით ოჯახში ძალადობის კუთხით, თუმცა მოგვიანებით ჩავეერთეთ სხვადასხვა პროექტში, ახალგაზრდების გაძლიერების და განათლების მიმართებით, რადგან ოჯახში ძალადობასთან დაკავშირებით მომართვიანობა უკვე შემცირებული იყო. ამას კი ვუკავშირებთ იმას, რომ ჩვენ უკვე 10 წელია ვმუშაობთ ამ თემში, ამასთან კანონის მოქმედებაც უფრო უკეთესია ვიდრე გასულ წლებში, აქედან გამომდინარე, ვთვლით, რომ ახალგაზრდებთან მუშაობა უფრო მნიშვნელოვანია და გაცილებით იოლია, რადგან შემდეგ უკვე დამდგარ შედეგებთან და პრევენციულ გეგმებთან ვაქტიურობთ.

ახლა ვმუშაობთ, არა მხოლოდ კარალეთის თემში, არამედ სხვადასხვა სოფლებში, შიდა ქართლის მაშტაბით, პროექტების ფარგლებში გვინდა აქცენტი გადავიტანოთ გოგონებზე, მიუხედავად იმის, რომ ჩვენი ინტერესის სფერო ქალები და გოგონები არიან, გოგონები უფრო მოწყვლადები არიან, რადგან არასრულწლოვნები არიან, ხშირად ვერ აცნობიერებენ რა უფლებები გააჩნიათ, როგორ უნდა მოიქცნენ, როცა მათი უფლებები ირღვევა.

ამ პროექტის ფარგლებში, რომელიც ჩვენ გვაქვს, არჩეული გვაქვს ე.წ. საზღვრისპირა სოფლები, დევნილთა ჩასახლებაში. პირველი შემთხვევაა, როცა ჩვენი ორგანიზაცია მუშაობს, სოფელ ოთარშენში, ეს არის ეთნიკური უმცირესობებით დასახლებული სოფელი. მოგვხსენებთ, მათთან მუშაობის გამოცდილება ჩვენ არ გვქონია და ამ პროექტით ვცდილობთ ვიქონიოთ კონტაქტები, ძირითადად

შევდივართ სკოლებში, ვატარებთ სემინარებსა და ტრენინგებს, ნაადრევი ქორწინების თემაზე, ბულინგზე, ინტერნეტუსაფრთხოებაზე და იმ თემებზე სადაც, ირღვევა არასრულწლოვანთა უფლებები. ჩვენ შეგვიძლია დავაკვალიანოთ და იურიდიული კონსულტაცია გავუწიოთ, თუმცა თუ არ გავქვს ისეთი კომპეტენცია, მაგალითად იურიდიული მოსახურება გავუწიოთ სასამართლოში, მაშინ ვამისამრთებთ შესაბამის ორგანიზაციებში. ეს არის ხშირად ახალგაზრდა იურისტთა ასოციაცია და ძალადობის მსხვერპლთა დაცვის ცენტრი, ასევე არის სახელმწიფო სერვისები.

ადგილი აქვს ძირითადად ფსიქოლოგიურ და ფიზიკურ ძალადობას, ფიზიკური უფრო გამოხატულია, თუმცა ფსიქოლოგიური უფრო მეტია.

ორი წლის უკან ჩვენ ჩავატარეთ კვლევა, ეს იყო „ქალთა ფონდის“ მიერ მხარდაჭერილი პროექტის ფარგლებში, გამოვხატე ხაზონ მდებარე სოფლებში. ზუსტად ვიცოდით რა კონტიგენტთან ვატარებდით კვლევას და ჯგუფში იყო ძალადობის მსხვერპლი ქალი, შევითხვარე გქონიათ თუ არა ძალადობის შემთხვევა? ან ჰქონიათ თუ არა თქვენს ირგვლივ მსგავსი შემთხვევა, ყველამ დანერა – არა. გამოვკითხეთ ორასი ქალი, ორასივემ დანერა არა, ეს იყო ჩემთვის გამაოგნებელი, ნარმოუდგენელია ორასი ადამიანიდან ვინმეს არ სცოდნოდა გარშემო ძალადობის მსხვერპლი ქალი. თვითონ ძალადობის მსხვერპლმაც არ დანერა, მიუხედავად იმის, რომ ეს იყო ანონიმური გამოკითხვა. აქედან ჩანს, რომ ეს პრობლემა არის გაუცნობიერებელი, ისევე ქალები ამბობენ, რომ არა, მე არ ვარ მსხვერპლი. ამასთან უჭირთ ხმამაღლა საუბარი, ან არ უნდათ, რომ იყვნენ მსხვერპლები და იგნორს უკეთებენ საკუთარ თავს. ალბათ ისევე ფსიქიკური ჯანმრთელობისთვის, რომ არა, მე არ ვარ მსხვერპლი.

არ დარწმუნია თემა, რომ ათი წლის მანძილზე, მოსახლეობისთვის არ მიგვეწოდებინა ინფორმაცია, ეს არის რეპროდუქციული ჯანმრთელობა, შრომითი უფლებები, გვიმუშავია მუნიციპალიტეტის თანამშრომ-



ლებთან, მანაველებლბთან, ექიმებთან, პოლიციელებთან.

ვთვლი, რომ ერთი ორგანიზაციის საქმიანობა ამ პრობლემას ვერ მოაგვარებს, თუ თავდ ქალები არ იქნებიან ამ საკითხებში უფრო აქტიურები და არ ამოიღებენ ხმას. გამბედაობა იმისთვისაა საჭირო, რომ აღიარო სად გავქვს პრობლემა და და-

იწყო ამ პრობლემის გადაჭრა. მთავარია, ქალმა თვითონ იპოვოს თავის თავში ძალა და იყოს დარწმუნებული საკუთარ შესაძლებლობებში.

მარიამ თედიაშვილი
„კარალეთის ქალთა სოლიდარობის ცენტრის“ ხელმძღვანელი

დასაწყისი მე-4 გვ.-ზე

ყოფნა დიდხანს ვერ შეძლო და საკუთარი უსაფრთხოებისთვის ემიგრაციაში წასვლა არჩია.

ე.წ. საზღვრის უკანონოდ გადაკვეთის ბრალდებით, საქართველოს მოქალაქეებს თითქმის ყოველთვის აკავებენ. ეს პროცესი 2008 წლის აგვისტოს ომის შემდეგ დაიწყო და დღემდე გრძელდება. დაკავებულთა შორის არიან ქალები, რომლებიც საკუთარ მიწის ნაკვეთში მუშაობისას ან საცხოვრებელი სახლის ეზოებიდან მოიტაცეს. უმძიმეს პირობებში რამდენიმე დღე, კვირა, თვეც ჰყავთ და ე.წ. ჯარიმის გადახდის სანაცვლოდ ათავისუფლებენ.

სახელმწიფო უსაფრთხოების სამსახურისგან გამოთხოვილი საჯარო ინფორმაციის თანახმად, 2008 წლიდან-სექტემბრის ჩათვლით, რუსეთის საოკუპაციო ძალების მიერ უკანონოდ დაკავებულია 3397 პირი, მათგან 1 927 ოკუპირებული აფხაზეთის, 1 470-ოკუპირებული ცხინვალის რეგიონის მიმართულებით. მათ შორის 493 ქალია.

ოკუპირებული რეგიონების საპატიმროებიდან გამოყვანილი ქალების ნაწილი დღეს იმავე საფრთხის ფონზე აგრძელებს ცხოვრებას, თუმცა, როგორც რუსეთის საოკუპაციო რეჟიმის მიერ ძალადობის მსხვერპლები რაიმე განსაკუთრებულ მხარდაჭერით ვერ სარგებლობენ, თუ არ ჩავთვლით არასამთავრობო სექტორის მხრიდან განხორციელებულ იურიდიულ-ფსიქოლოგიურ თუ სხვა დახმარებას.


მომხდარი ფაქტები ვრცელდება მედიამში, ანგარიშებში, განცხადებებში და ა.შ. თუმცა როგორ ვზრუნავთ მას შემდეგ მათზე? ქვეყანაში მიმდინარე პოლიტიკური დაძაბულობისა თუ სხვადასხვა ჯგუფებს შორის დაპირისპირების ფონზე, საოკუპაციო ძალების „კლანჭებისგან“

ძლივს გადარჩენილ ქალებს ისევე მძიმე ყოფაში ვაბრუნებთ. ვაიძულებთ, რომ თავად მიხედონ საკუთარ პრობლემებს, რომელიც მათ არ შეუქმნიათ. თუნდაც სიცოცხლის რისკის ფასად დაამუშაონ მავთულხლართებით გაყოფილი მიწის ნაკვეთები და რუსეთის ჯარისკაცების

კონტროლის ქვეშ აღებული მოსავალი მთელი წელი იკმარონ. მიხედონ ოჯახსაც და დღის ბოლოს გადაქანცულები, რომ თვალს მილულავენ, ისევე გატაცების მომენტებზე ფიქრი სტანჯავდეთ.

ნინო ჩიხრიური

საქართველოს მოქალაქეთა დაკავების სტატისტიკა ოკუპირებულ რეგიონებში (2008-2022/09):



წყარო: სახელმწიფო უსაფრთხოების სამსახური

„მსხვერპლი ქალების მომართვიანობა ჩვენთან ბოლო პერიოდში გაიზარდა, რაც ცნობიერების ამაღლების შედეგია“



„ახალგაზრდა იურისტთა ასოციაციის“ ოფისი შიდა ქართლში და სამცხე-ჯავახეთში უკვე 22 წელია საქმიანობს. ამ დროის განმავლობაში, ჩვენი ერთ-ერთი ძირითადი მიმართულება, ქალთა უფლებების დაცვაა. უპირველესად მინდა აღვნიშნო, სამართლებრივი დახმარების მიმართულება. ქალებს და გოგონებს აქვთ უფლება მოგვმართონ იურიდიული დახმარებისთვის, ჩვენ ვახორციელებთ, როგორც პირად ისე სატელეფონო კონსულტაციებს, ასევე გვაქვს გასვლითი კონსულტაციები. შესაბამისად, თუ რომელიმე გოგონას გაუჩნდება სურვილი, რომ დაიცვას საკუთარი უფლებები, ჩვენ შეგვიძლია მოვახდინოთ საადვოკატო მომსახურება უფასოდ, ჩვენთან მოქალაქეები იურიდიულ და საადვოკატო მომსახურებაში თანხას არ იხდიან.

გარდა საადვოკატო მომსახურებისა და იურიდიული დახმარებისა, ჩვენ გვაქვს ასევე, საინფორმაციო კამპანია, ისეთი როგორცაა, ცნობიერების ამაღლება, რათა უფრო სწორად მოხდეს იმ საკითხებისა და თემის გაშლა და დანახვა, რაც გულისხმობს ქალთა უფლებებს და მის დაცვას. უკანასკნელ პერიოდში, ჩვენი მხრიდან ასევე ყურადღება მახვილდება, გენდერულ თანასწორობაზე, ფემიციდის შემთხვევებზე, მის თავიდან აცილებაზე. მნიშვნელოვანია საკანონმდებლო სივრცის მოწყობაში, ჩვენი ორგანიზაციის როლი, ქალთა უფლებების დაცვის მიმართულებით. ამ მხრივ, საკანონმდებლო სივრცე დაიხვეწა, შექმნილია ოჯახში ძალადობის მსხვერპლთა დაცვის კანონი, შესაბამისი მექანიზმებიც ამუშავებულია.

ასევე სისხლის სამართლის კანონმდებლობაში შევიდა მნიშვნელოვანი ცვლილებები, რომელმაც სწორად განსაზღვრა სისხლის სამართლებრივი პოლიტიკა, ოჯახში ძალადობისა, ქალთა მიმართ ძალადობის და ქალთა უფლებების დაცვასთან დაკავშირებით. ჩვენ სისტემატიურად მონიტორინგს ვახორციელებთ, სახელმწიფოში არსებული მექანიზმების ეფექტურობაზე, რამაც მაგალითად გასულ წლებში მოგვცა, შესაძლებლობა, სამოქალაქო სექტორს განხორციელებულიყო ისეთი მნიშვნელოვანი ინიციატივა, რამაც შესაძლებელი გახდა შსს სისტემაში, შემუშავებულიყო სპეციალური კითხვარი. ეს იძლევა, ოჯახში ძალადობის ფაქტების იდენტიფიცირებას, რამაც მნიშვნელოვნად გაზარდა შემთხვევების ორდერების გამოწერის შესაძლებლობა. უფრო მეტად მოქნილი გახდა სისტემა, რომ ქალები დაცულები იყვნენ, მაგრამ მინდა აღვნიშნო ისიც, რომ თუ თვითონ ქალები და გოგონები არ გადადგამენ ნაბიჯს, რომ მათი ცხოვრება არ წარმართოს ძალადობრივ გარემოში, ძალიან რთულია გარედან შეცვალო მათი ყოველდღიურობა. ამიტომ არის მნიშვნელოვანი საინფორმაციო შეხვედრები, ცნობიერების ამაღლების კამპანია, უნდა იცოდნენ საგარეო მსხვერპლებმა, რომ მათი უფლებები იყოს დაცული და ეს შესაძლებლობები გამოიყენონ. უკანასკნელ პერიოდში მახვილდება ყურადღება, ისეთ მოწყვლად კატეგორიაზე, როგორცაა ეთნიკური და რელიგიური უმცირესობები, სადაც ძალადობის ფაქტები უფრო მეტად იკვეთება. ეს უფრო ჩაკეტილი თემაა, ქალებს არ აქვთ ინფორმაცია ამ საკითხებთან დაკავშირებით. განსაკუთრებით ნაადრევ ქორწინებასთან მიმართებაში.. ამიტომ ჩვენ, ყველა იმ ადამიანს ვინც თვლის, რომ მისი, როგორც ქალის უფლებები დარღვეულია, შეუძლია მოგვმართოს და მიიღოს იურიდიული დახმარება. ბოლო პერიოდში ყურადღება მახვილდება ასევე ქონებრივ უფლებებზე. რო-

დესაც საკითხი დგას განქორწინებაზე, აქ იკვეთება, რომ ქალის უფლებები არის დარღვეული, იმათ სახელზე არაფერი ირიცხება და არიან არარეგისტრირებულ ქორწინებაში, რაც გარკვეულ პრობლემებს ქმნის ქონებრივი უფლებების დაცვის მიმართულებით. ამიტომ ეს ყველა საკითხი სათავეს იღებს ცნობიერებიდან და განათლებიდან. ჩვენი ყურადღება მახვილდება ასევე კონფლიქტის რეგონში მცხოვრებ ქალებზე, რადგან ისინი განსაკუთრებით მოწყვლადები არიან. მიუხედავად იმისა, რომ ქვეყანა შეერთებულია ისეთ მნიშვნელოვან, რეზოლუციებთან, რომელმაც უნდა უზრუნველყოს ქალის უსაფრთხოების დაცვა, საქართველოში ამ მიმართულებით ძალიან მცირე ნაბიჯების გადადგმა ხდება, რომ არა სამოქალაქო სექტორის აქტიურობა, ეს არ იქნებოდა, რაც ძალიან სამწუხაროა, რადგან ქვეყანა იმყოფება სულ მუდმივად კონფლიქტის რეჟიმში და ეს საკითხები უნდა იყოს ყველაზე მეტად უზრუნველყოფილი. ყველაზე მეტი მომართვიანობა ეხება ოჯახში ძალადობას, რაც უკავშირდება ერთი მხრივ, ცნობიერების ამაღლებას, მეორეს მხრივ, საკანონმდებლო ცვლილებებს, რაშიც ახალგაზრდა იურისტთა ასოციაციის ძალისხმევა ხაზგასასმელია. ეს მექანიზმი იძლევა შესაძლებლობას, მაგალითად: თუ ადრე არ ხდებოდა კონკრეტულ შემთხვევაზე შემთხვევითი ორდერის გამოწერა, ახლა ხდება. ეს კი მსხვერპლის მეტ დაცულობას უზრუნველყოფს. ძალიან მნიშვნელოვანია თავად ქალებმა, გოგონებმა და ზოგადად ნებისმიერმა ადამიანმა თავად დაიცვას საკუთარი უფლებები, გაიაროს იურიდიული კონსულტაციები, რათა თავიდან იყოს აცილებული ძალადობის, ასევე ფემიციდის შემთხვევები.

ქატიპანა ბაგიაშვილი
„საქართველოს ახალგაზრდა იურისტთა ასოციაციის“
გორის ოფისის ხელმძღვანელი

12 წლის ბარბარის ნამუშევარმა, ქალთა უფლებების შესახებ, ფრანგული ინსტიტუტის კონკურსში გაიმარჯვა

წელს იანვარში, ჩემმა მეგობარმა ნატალიმ მომიყვა ამბავი, რომელიც მის კლასში მოხდა. ნატალის ორი ბიჭი კლასელი ლაპარაკობდა და მასწავლებელმა თქვა, ბიჭები იმიტომ არიან, რომ გოგონებით არ იჭორაინო. ძალიან გავბრაზდი, როდესაც ეს გავიგე, რადგან გამოდის, რომ ეს მასწავლებელი გოგონებს „ჭორიკებდა“ ალიქვამს? შემდეგ დაფიქრდი და გამახსენდა ის ფრაზები, რაც დარწმუნებული ვარ ხშირად გსმენიათ: „გოგოსავით ტირი“, „გოგო ხო არ ხარ?!“ და უამრავი მსგავსი, აქ გამოიხატება საზოგადოების დამოკიდებულება ქალების და გოგონების მიმართ, თითქოს ქალები ცუდები, ან სუსტები არიან. მე ვარ 12 წლის და ჩემი აზრით, ძალიან მნიშვნელოვანია ჩემი ასაკის ბავშვებმა იცოდნენ ქალთა უფლებების შესახებ. ზოგს სმენია ამ საკითხზე, მაგრამ არ ფიქრობს რომ ეს მნიშვნელოვანია, არადა, ზოგ ქვეყანაში გოგონებს და ქალებს ვერ კიდევ არ აქვთ განათლებაზე წვდომა, ან სამსახურში ნაკლებს უხდიან, ან ყველაფერში მათ ადანაშაულებენ იმის გამო, რომ ქალები არიან, ან უნესებენ როგორები უნდა იყვნენ (ეს უკანასკნელი თითქმის ყველგან). მინდა ნატალის მასწავლებელმა იცოდეს, რომ მე და ჩემი მეგობრები სინამდვილეში „ჭორიკები“ კი არა, ძალიან მიზანდასახულები ვართ. გვინდა ყველამ გაიგოს, რომ გოგონებისთვის დადგენილი ნორმები უსამართლო და მჩავერელია. მე ფრანგულ ინსტიტუტში ორი წლის ასაკიდან დავდივარ. წელს პირველად, ქალთა უფლებებზე ორგანიზებულ კონკურსში



რსში ემონანილეობდი. დიდად დარწმუნებული არ ვიყავი საკუთარ თავში, მაგრამ მაინც მივიღე ეს გამოწვევა. დავწერე ესე ქალზე, რომელიც ყოველდღიურ ცხოვრებაში მძლავრად ინსპირაციას-დედაჩემზე და ჩემდა გასაკვირად, ინსტიტუტის ეს კონკურსი მოვიგე! ეს იყო შესაძლებლობა გოგონებს გვეთქვა ჩვენი სათქმელი. ბევრი მსგავსი

პლატფორმა უნდა არსებობდეს ჩემი ასაკის ბავშვებისთვის ამ თემაზე. ჩემი აზრით, მნიშვნელოვანია ბავშვებმა მოძებნონ ადამიანი, რომელიც მათ აძლიერებს და მათთვის ინსპირაციაა. ეს ადამიანი მათ მოტივაციას უნდა აძლევდეს. ჩემ ასაკში გოგონებმა უნდა იცოდნენ რომ მათ ყველაფერი შეუძლიათ, გაუმკლავდნენ

საზოგადოების კრიტიკას იმის გამო, რომ გოგო ხარ. გოგონებმა უნდა ვიცოდეთ რა ვქნათ, როცა ჩვენს უფლებებს არღვევენ, როცა განსხვავებულად გვექცევიან „გოგონების“ გამო. სკოლაში ჩემი ასაკის ბიჭები ხშირად ამბობენ „ეს გოგონებისთვის არ არის“ და ასეთ რაღაცებს. იმისდა მიუხედავად, რომ სამოქალაქო განათლებაში გავიარეთ თანასწორობის საკითხები, ბიჭები მაინც იგივეს ამბობენ. რაღაც არ არის საკმარისი, სადაც სახლში, ან სხვაგან ვერ უხსნიან, ან ეს გაკვეთილებიც მეტად უნდა იყოს შედეგზე ორიენტირებული. ხანდახან მიკვირს რადგან, მაშინ, როცა გოგონებმა ბევრჯერ დავამტკიცეთ, რომ ყველაფერი შეგვიძლია, ბავშვებთან უმარტივესი ამბების ახსნა მიწევს. ქალები მიფრინავენ კოსმოსში, აქვთ უამრავი მნიშვნელოვანი სამეცნიერო აღმოჩენა, ასევე გამოგონებები, რომლითაც მთელი სამყარო სარგებლობს. მაგალითად, ანა კონელი, რომელმაც გამოიგონა მეტალის კიბეების მოწყობილობა, რომელიც გამოიყენება შენობებიდან საგანგებო გასასვლელისთვის და ამ გამოგონებამ უამრავი ადამიანის სიცოცხლე გადაარჩინა და მე ამასობაში ელემენტარული ახსნა მიწევს, იმის, რომ ჩვენითვის, გოგონებისთვის დაწესებული ნორმები უნდა დაინგრეს. ნატალის მასწავლებელი და არამართო შენ, მინდა იცოდეთ რომ ჩვენ, გაბრაზებული გოგონები თქვენგან დაწესებულ „გოგონების სტანდარტებს“ ყოველ ნაბიჯზე დავამსხვრევთ და იცოდეთ, რომ ასეთი ნორმების დაყენება ცუდია!

ბარბარა მიქიაშვილი, 12 წლის

რა იცინან ანა (ოლლა) სოლოლაშვილზე მის მშობლიურ სოფელში და ვინ დარჩა მას იქ?

სოფელ მეჯვრისხევში, მაშინ ვერა-ვინ წარმოიდგენდა, რომ საქართველოს დამოუკიდებლობის აქტის ხელმოწერი და ერთ-ერთი პირველი, ქართველი ქალი პარლამენტარი მათ გვერდით იზრდებოდა. მშობლიურ სოფელში დღეს მწირი ინფორმაციაა შემორჩენილი ანა (ოლლა) სოლოლაშვილის ცხოვრების შესახებ. ისიც ძირითადად მისი შთამომავლების მიერ ვრცელდება, რომლებიც გორის მუნიციპალიტეტის სოფელ მეჯვრისხევში ცხოვრობენ.

„ანა სოლოლაშვილი, გათხოვილი არასდროს ყოფილა, შესაბამისად მას პირდაპირი შთამომავლები არ ჰყავს, ის პაპაჩემის მამიდა იყო“, – ამბობს გიორგი სოლოლაშვილი, რომლის ოჯახიც ანა სოლოლაშვილის ერთადერთი ახლო ნათესავია.

– რას ჰყვებოდა პაპა, რა არის ისეთი, რომლის შესახებაც საზოგადოებამ არ იცის?

– იმ დროს, ამ თემზე ხმამაღლა საუბარს ერიდებოდნენ, ალბათ ამიტომ სამწუხაროდ, ანა სოლოლაშვილის შესახებ ბევრი არაფერი ვიცით, პაპისგან ვიცით ის, რომ არ იყო გათხოვილი, დიდხანს არ უცხოვრია აქ, მეჯვრისხევში, რადგან მეტწილად სხვაგან მოღვაწეობდა, დეტალურად არც მისი და-ძმის შესახებ ვიცი, სამწუხაროა ისიც, რომ ამჟამად არავინ არის დარჩენილი ისეთი, ვისაც, თუნდაც გადმოცემით იცოდეს მისი ამბავი. საბჭოთა პერიოდში ღიად საუბარს ყველა ერიდებოდა. პაპა ამბობდა, რომ სულ დევნაში იმყოფებოდა, დევნის

დროს თავს ერთ ოჯახს აფარებდა, სწორედ იქ მომხდარა მისი დაპატიმრება.

– ალბათ თქვენი ოჯახი დაინტერესებული იქნებოდა, მეტი გაეგო მის შესახებ, თუ გიცდიათ რაიმე მასალების შეგროვება?

– კი იყვნენ დაინტერესებულები, ბევრი გვეხმარებოდა, ჩვენმა ოჯახმა იცოდა ის, რა ინფორმაციაც არქივიდან არის გამოტანილი, კიდევ ყოფილა სხვა მასალებიც, რომელიც დაცულია, თუმცა მას არ ხსნიან, შესაბამისად, არც ჩვენ ვიცით დამატებით რაიმე. ხშირად მიკავშირდებიან, აინტერესებთ ჩვენი ოჯახიდან მეტის გაგება, თბილისიდანაც დამირეკეს, მაგრამ მწირი ინფორმაციის გამო უარს ვეუბნები შეხვედრაზე. ჩვენ ერთი გვარი ვართ სოფელში, მას აქ ახლობელი სხვა არავინ ჰყოლია.

– თქვენ რას იტყვით მის მოღვაწეობაზე?

– ჩემი სათქმელი ისაა, რომ ყოველთვის უფრო მეტი უნდა ვიცოდეთ ანა სოლოლაშვილის მსგავს ადამიანებზე. სამწუხაროა, რომ ასეთი მნიშვნელოვანი და საინტერესო ფიგურის შესახებ მის მშობლიურ სოფელშიც ბევრი არაფერი იცინან. მეჯვრისხევში რამდენიმე წლის წინ მხოლოდ საინფორმაციო დაფა დადგეს, სოლოლაშვილის იმ მოკლე ბიოგრაფიით, რაც ისტორიამ დღემდე შემოინახა.

ანა სოლოლაშვილი 1882 წელს გორის სოფელ მეჯვრისხევში დაიბადა. დაამთავრა ხარკოვის უნივერსიტეტის ისტორიულ-ფილოლოგიური ფაკულტეტი და 1917 წლამდე აქტიურად ეწეოდა, პედაგოგიურ




საქმიანობას. პარალელურად ის სოციალ-დემოკრატიული მუშათა პარტიის წევრი იყო. მისი პოლიტიკური ხასიათის ქმედებები კარიერის დასაწყისშივე იქცევა ყურადღებას: 1912 წელს ანა არსებული რეჟიმის საწინააღმდეგო აგიტაცია-პროპაგანდის ბრალდებით დააკავეს, თუმცა სასამართლომ დანაშაული ვერ დაუდგინა და გაათავისუფლეს.

1917 წლიდან ანა სოლოლაშვილი კიდევ უფრო ერთვება პოლიტიკურ პროცესებში და მთელ თავის დროსა და ენერგიას სწორედ აქეთკენ მიმართავს. ამავე პერიოდში მას საქართველოს ეროვნული საბჭოს წევრად ირჩევენ. მალევე ის ხდება საქართველოს დემოკრატიული რესპუბლიკის

პარლამენტის წევრი, ერთი წლის შემდეგ კი თბილისის ქალაქის საბჭოს ხმოსნად ირჩევენ. ასე მიუახლოვდა ანა სოლოლაშვილი 1919 წლის 12 მარტის მოვლენას. მოვლენას, რომელმაც სამუდამოდ განსაზღვრა მისი ადგილი ჩვენი ქვეყნის ისტორიაში – ის ხდება იმ ხუთ ქალთაგან ერთ-ერთი, რომლებიც საქართველოს დემოკრატიული რესპუბლიკის დამფუძნებელი კრების წევრებად აირჩიეს. უფრო მეტიც, საქართველოს დამოუკიდებლობის აქტზე მხოლოდ ორი ქალის ხელმოწერა გვხვდება და ერთ-ერთი სწორედ ანა სოლოლაშვილს ეკუთვნის.

ესაუბრა შორენა ზიჭიკაშვილი



რას სთავაზობს სახელმწიფო კალაძობის მსხვერპლებს?

მე გახლავართ, გორის ძალადობის მსხვერპლთა მომსახურების, თავშესაფრის და კრიზისული ცენტრის იურისტი. მოგახსენებთ იმ სერვისების შესახებ, რასაც სახელმწიფო ძალადობის მსხვერპლ მოქალაქეებს სთავაზობს.

პირველი არის ის, რომ სახელმწიფო ძალადობის მსხვერპლებს სთავაზობს თავშესაფრით უზრუნველყოფას, ასევე იურიდიულ მომსახურებას, სოციალური მუშაკის და ფსიქოლოგიურ მომსახურებას. ყველა ეს, მომსახურება მნიშვნელოვანია იმდენად რამდენადაც ძალადობის მსხვერპლებს პირველ რიგში უჩნდებათ ის განცდა, რა უნდა მოიმოქმედონ, სად უნდა წავიდნენ, იმ შემთხვევაში, თუკი გააპროტესტებენ ძალადობას. ვინაიდან სახელმწიფოს აქვს უკვე გარკვეული სერვისები, ძალადობის მსხვერპლებს ეძლევათ საშუალება, რომ არ ითმინონ მათზე განხორციელებული ძალადობა, მიმართონ შესაბამის ორგანოებს და მიიღონ ის მომსახურება, რასაც სახელმწიფო მათთვის აკეთებს, ამისთვის საჭიროა მათ დარეკონ 112-ზე, ასევე არსებობს ძალადობის მსხვერპლთა დაცვის ცხელი ხაზი, ეს არის 116 006, შეუძლიათ მიიღონ შესაბამისი კონსულტაცია, როგორ უნდა მოქცნენ, განხორციელონ ისეთი ქმედებები, რომ არ დარჩნენ ღია ცის ქვეშ და მიიღონ თავშესაფარი. თუ ძალადობის მსხვერპლმა ვერ განახორციელა ზარი ძალადობის დროს, შეუძლია მიმართოს სამართალდამცავ ორგანოებს, მივიდნენ კონკრეტულ შპს-ს რაიონულ სამმართველოში და იქ განაცხადონ მათზე განხორციელებული ძალადობის შესახებ, რის შემდეგაც პოლიციის თანამშრომლები გამოიწვიონ შემაკავებელ ორდერს, ხოლო შემაკავებელი ორდერის არსებობის შემთხვევაში მათ უკვე შეუძლიათ თავშესაფარში განთავსება და იმ სერვისების მიღება, რაც უკვე ჩამოვთვალე.

ძალიან მნიშვნელოვანია გავითვალისწინოთ ერთ-ერთი საკითხი, რომელიც ეხება ბავშვებთან ერთად თავშესაფარში განთავსებას, ვინაიდან ხშირად, მსხვერპლს ჰგონია, რომ თუ ის თავშესაფარში იქნება,

მას მოუწევს შვილების დატოვება. ბავშვების დატოვება არ უნდა იყოს მშობლებს, ვინაიდან ჩვენი სერვისების შესაბამისად ბავშვები შეუძლიათ წამოიყვანონ თან, ისინიც განთავსდებიან თავშესაფარში, როგორც მათზე დამოკიდებული პირები, იმის მიუხედავად ბავშვზე არის თუ არა, უშუალოდ, განხორციელებული ძალადობა.

ეს ინფორმაცია ძალიან მნიშვნელოვანია, რადგან ხშირად გვხვდება სიტუაცია, დედებს ჰგონიათ თუკი განაცხადებს ძალადობის შესახებ, მათ შეიძლება ბავშვებთან დაშორება მოუწიოთ, რაც ასე არ არის. ასევე მნიშვნელოვანია ინფორმაცია ვადებთან დაკავშირებით, თავშესაფარში და კრიზისულ ცენტრში ბენეფიციარების განთავსება ხდება იმ დოკუმენტის ვადით, რა დოკუმენტიც მათ აქვთ წარმოდგენილი, თუმცა გვაქვს ზედა ზღვარი, რა ვადითაც შეიძლება იყოს მსხვერპლი განთავსებული, ეს არის თავშესაფარში ცხრა თვის ვადა, თუმცა ეს აუცილებლად უნდა იყოს, ექვსი თვის შემდეგ, დასაბუთებული, რატომ საჭიროებს მსხვერპლი თავშესაფარში ცხრა თვე ყოფნას, ამ პერიოდის განმავლობაში მათზე მიმდინარეობს მუშაობა, რომ მსხვერპლებმა დამოუკიდებლად შეძლონ ცხოვრების გაგრძელება, თუმცა ეს მაქსიმალური ვადა არ ნიშნავს იმას, რომ თუკი შემაკავებელი ორდერის ვადით განთავსდება, ისიც ისარგებლებს ცხრა თვის ვადით. ვინაიდან შემაკავებელი ორდერი გამოიცემა ოცდაათი დღის ვადით, ამ შემთხვევაში მსხვერპლი პირველ ეტაპზე განთავსდება ოცდაათი დღის ვადით, ხოლო შემდგომ, თუ მულტი გუნდი გადაწყვეტს და არის მსხვერპლისთვის საჭიროება, რომ გაცილებით მეტხანს დაჰყოთ თვესაფარში ბენეფიციარმა, ასეთ შემთხვევაში იწყება მუშაობა სხვა დოკუმენტის მოძიებისთვის. მაგალითად: ეს იყოს დამცავი ორდერი, ასევე ამ პერიოდში თუკი მოხდა მისი დაზარალებულად ცნობა, ეს დოკუმენტები გვაძლევს იმის საშუალებას, მათთან გახანგრძლივდეს ხელშეკრულების ვადა, მაგრამ ეს არის დამოკიდებული ინდივიდუალურ ქეისებზე, რადგან სხვა-



დასხვა მსხვერპლები და ბენეფიციარები საჭიროებენ განსხვავებული ვადით რეაბილიტაციას.

მნიშვნელოვანია, რომ მსხვერპლმა ისაუბროს ხამალა იმაზე, რომ ის მსხვერპლია და გააკეთოს განაცხადი და მიიღოს ის შეთავაზებები, რასაც სახელმწიფო სთავაზობს. ძალადობის თმენა იწვევს კიდევ უფრო მეტ ძალადობას, მნიშვნელოვანია გაითვალისწინოთ მცირეწლოვანი ბავშვები, რომლებიც ოჯახში შეიძლება იყვნენ ძალადობის შემსრენი, რომლებიც ირიბად არიან ძალადობის მსხვერპლები, შესაბამისად ეს ბავშვები საჭიროებენ ფსიქო-სოციალურ რეაბილიტაციას. ვიცით, რომ, როცა კონფლიქტურ სიტუაციაში იზრდებიან ბავშვები, ისინი ყალიბდებიან მოძალადეებად, ამიტომ მნიშვნელოვანია მშობლებმა გადადგან სწორი ნაბიჯი.

შესაძლებელია, ძალადობის მსხვერპლს არ ესაჭიროებოდეს თავშესაფრის მომსახურება, თუმცა ესაჭიროებოდეს დღის ცენტრის მომსახურება, როგორც არის იურისტის, ფსიქოლოგის და სოციალური მუშაკის მომსახურება. ჩვენ ასევე გვაქვს კრიზისული ცენტრი და შესაძლებელია მოგვაკითხონ საჭიროებიდან გამომდინარე. ეს არის, ქალაქ გორში ბარნოვის N9, სადაც 9:00 სთ-დან 18:00 სთ-მდე შეუძლიათ მოგვმართონ და მიიღონ ყველა ეს სერვისი, თუკი მათ ექნებათ დოკუმენტი, რაც დაადასტურებს, რომ ისინი ნამდვილად არიან ძალადობის მსხვერპლები.

თბა თბილისში
გორის ძალადობის მსხვერპლთა მომსახურების, თავშესაფრის და კრიზისული ცენტრის იურისტი

ქალბო მთელი ქვეყნისა შეერთდით!

როცა გაზ. „შრომის“ მე 6N გადავშალე რომა ერთის მეორეს სანინაღმდეგო გრძნობამ შემიპყრო: სიხარულისა და სიმწუხარისამ. სიხარული გამოიწვია ჩემში, სიმპატიურმა წერილმა: „ორი ხმა“, რომელიც სიამოვნებით აღინიშნავს ქალთა გამოფხიზლებას გაზ: „ხმა ქართველის ქალისა“-ს საშუალებით და ამბობს: „ჩვენ ალტაცებით ვეგებებით ამ ფაქტს, ის ყოველ მხრივ მნიშვნელოვანია“, ე.ი. ქალთაგან გაზეთის დაარსება!-ო.

სამწუხაროა მეორე წერილი იმავე გაზეთში რომელიც არას გზით არ აიხსნება გაზ. „შრომის“ ჩვენთან ცუდი განწყობილებათ. პირიქით გაზ. „შრომა“ ჩვენი ქალების ყოველთვის მედგარი დამცველია ასე რომ ჩვენ გეტყვია გული და ვაძლევთ პასუხს ბ. ჯავახს და არა გ. „შრომას“. ბ. ჯავახი „შრომის“ მე 6N-ში ამბობს: „როდესაც ყველანი ხელისხელ ჩაკიდებული უნდა მივისწრაფოდეს ერთი მიზნისაკენ რომ გარიყული არ დავრჩეთ ცხოვრებისაგან; დღეს როდესაც დიდი პატარა, ქალი, კაცი (?) შეერთებული მოქმედებისაკენ უნდა მოუწოდებდეთ ყველას, რომ მტკიცე საფუძველი ჩაუყაროთ ახალ წყობილებას, ქართველი ქალები ცალკე საზოგადოებას იარსებენ, ეთიშებიან მამაკაცებს.“ ამის პასუხათ მე ვაყენებ ასეთ დევიზს: ქალბო მთელი ქვეყნისა, შევეერთდით! ჩვენ. ქალბებს გვიძევს წინ ერთი დიდი საკითხი: ქალთა ემანსიპაცია! ამ საკითხის გარშემო უნდა შევე-

რთდეთ ყველა ქვეყნის ქალები განურჩევლად ეროვნებისა, სარწმუნოებისა, მიმართულებისა, სოციალური მდგომარეობისა, და მთელი ჩვენი ძალღონით ვებრძოლოთ ჩვენს დამმონავებელ პირობებს, ჩვენ არ უნდა ველოდოთ უფლებების „ბოძებას“, უნდა ერთის პირით და ერთის ძალით მოვიპოვოთ ის! რაც უნდა შეგნებული მამაკაცი იყოს უმრავლეს შემთხვევაში ის მაინც რაღაც ზვიდან დაგვცქერის, ეჭვის თვალთ და ირონიულად უცქერის ჩვენს სამართლიან ლტოლვილებას. სხვა საერთო საქმეში ხელი-ხელ ჩაკიდებულები..... მხოლოდ ქალთა საკითხებში კი-ჩვენი თავის იმედი უნდა გვქონდეს, ქალბო! აი, ასეთ დროს გვავენებს ჩვენ, ისევე ჩვენივე (ქალბის) დაყოფა და ძალთა დაქსაქსვა. პარტიული კინკლაობით ჩენი პირადი საქმე არ უნდა დაეღუპოთ! შევერთდეთ ერთი დროშის ქვეშ და ყველა ქალბებმა და მედგრად დავიცვათ ჩვენი ინტერესები დავივიწყოთ ამ საკითხის გარშემო ყოველივე პირადული ინტერესები და პარტიული უთანხმოება, თორემ ისტორია ქალთა განთავისუფლებისა არ გვაპატიებს ჩვენ ამას. ქართველი ქალები ისეც ცოტანი ვართ საქმის მკეთებელი და კიდევ ძალთა დაყოფა, ერთმანეთთან უთანხმოება და მით საქმის გაფუჭება-მიუტოვებელი ცოდვაა! ამით ჩვენ გავახარებთ ქალთა უფლებების მტრებს და საბაბს მივსცემთ კიდევ მეტი სწერონ ჩვენი სომპატიური წრეებისა და კლუ-

ბების შესახებ. „რომელი წრე და საზოგადოებაც გნებავთ აიღეთ მამაკაცებისა, რომ მიზნათ არ ჰქონდეს დასახული წევრების თვით განვითარება, სამკითხველოს წიგნთ-საცავების დაარსება და სხვ... და ნუ თუ ქართველ ქალბებს არ შეეძლოთ ჩანერილიყვნენ ერთ რომელიმე წრეში და მამაკაცებთან ერთად ემუშავათ“-ო ამბობს ბ. ჯავახი. ჩვენ არ გვინდა მამაკაცების ხელისშემაცქერალნი ვიყოთ თვითგანვითარების იარაღის მოპოვებაში. ჩვენ ვსთქვით და კიდევ ვიმეორებთ, რომ ყველა საერთო საქმეებში მხარში ამოვუდებით მამაკაცებს, მაგრამ ქალთა საკითხი ჩვენი პირადი საქმეა და ჩვენ უნდა გავუძღვეთ მას ქალთა წრეებისა და კლუბებისა (ბანქოს) სათამაშო რო ეგონათ ზოგიერთს! დაარსებით.

ეს ჩვენ ხელს არ შეგვიშლის საერთო საქმეში მონაწილეობის მიღებაში, პირიქით დაგვეხმარება კიდევ, რადგან უფრო მომზადებულები ვიქნებით. გაიგონ ეს და უკუღმართათ ნუ ხსნიან ზოგიერთი მამაკაცები ჩვენ წმინდა მისწრაფებას.

ჩვენ უნდა ჩვენივე, თავის იმედი ვიქონიოთ და მაშინ სხვებიც დაგვეხმარებიან ამისთვის ჩვენ დებს ვუყვივით:

ქალბო მთელი ქვეყნისა, შევეერთდით!

6160 ნადირაძე
1917 წელი, №4



გაზეთი გამოიცემა „ქართული მედია ჯგუფის“ პროექტის („სამ ქართული ქალისა“ – ზამინისტური მედია შიდა ქართლში“) ფარგლებში, რომელიც მხარდაჭერილია „ქალთა ფონდის“ მიერ



ქალთა ფონდი საქართველოში
WOMEN'S FUND IN GEORGIA